

مستطابق

در سعادته باب عالی جاده سنده
اداره مخصوصه
محل اداره :

خطار :
مسکونه موافق آثار جدید مع المنوبه
قبول اولنور
درج ابدله بن آثار اعاده اولغاز

دین ، فلسفه ، ادبیات ، حقوق و علوم دن باحث هفته لاق رساله در

مؤسسه : ابوالعلا زین العابدین - ح . اشرف ادیب

سنه لکی	القی آیانی	درسه دنده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ نمرز ۳۲۴

در سعادته نسخه سی ۵۰ پاره در

قیرله دن مقوا بورو ایله کوندربایر سه سنوی
۲۰ غروش فضله آلنیر

در سعادته بوسته ایله کوندربایر سه ولایات بدلی اخذ اولنور.

عدد : ۳۰

۲۵ صفر ۳۲۷ پنجشنبه ۵ مارت ۳۲۵

ایکنجی جلد

آغیر و غیر قابل تطبیق ظن اولونان « حدود شرعی » نك هر برنده يك چوق قیود و شرائط اعتبار اولونمشد. كرك اسباب موجه نك ثبوتی، كرك اجرا و استیفاست غایت تصعيب ایدلیدی معلومدر، بوجهته حدودك اكثریسنه معروض اوله جق اشخاص نادراً كورلمكد و آنلك وضعیتن مقصد محض زجر و ترهیب اولدینی تحقق ایتكدمدر.

مع هذا قصاص ایله قطع ید كبی بعض حدود شرعیك نادراً اجرایی بیله بی نهایه نفوس و اموالك مصونیتنی تاهین ایده جكدن تشریعی محض حكمت و موافق مصلحت اولدینی قابل انكار دكلدر، استعید بالله « ولكم فی القصاص حیاة یا اولی الاباب » نظم جلیلك اشعار عالیسی اوزره قاتلك قصاصاً قتل برچوق نفوس معصومه نك محافظه حیاته مدار اولور. « اولاً » بر شخصی قتله تصدی ایده جك اولان ایقاع قتل ایدیدی تقدیرده كندیسنك قصاصاً قتل اولونمجنی بیلنجه قتلدن منزجر اولورده هر ايكیسنك حیاتی باقی قالیر. « ثانیاً » بر قاتل متعمد قصاص اولونمادینی صورتده باشقه درلو جزا دیده اولسه بیله ورثه مقتول آندن اخذ ناز فكرنده بولونه جقلرندن یا ونلر اونی قتل ایله كندیلرینی اولیه براخذ ناز تیلیكسنه دوشورمش اولورلر. یا خود قاتل خوفندن ناشی اولنری ده برر برر قتل و افنایه جالشیر. هرايكی طرفك قبیله لری بیتمده قان كودمك فكری یرله شیر قالیر.

الحاصل ظاهر ده قتل اولان قصاص حقیقته حیات عظیمه در، چونكه مشروعتنی دوشونن كیمسه فعل قتلدن مجازت ایدرسه قتل هیچ وقوع بولماز، اكر دوشونمزده قتله متجاسر اولورسه قتل ايكی شخصه منجصر قالیر، قبیله لرینه سرایت ایتمز.

[مكتب حقوقزده تدریس اولونان « معیار عدالت » كتابی مطالعه اولونورسه اكلایشیلر كه قصاص قتل اقسام خمسسی ایچندن یالکز قتل عمد قسمنده جاری اولوب كرك وجوبی، كرك استیفاست ایچونده يك چوق شرائط وارددر. بونلر هر قتل عمدده تماماً تحقق ایتیه جكدن قانونه قصاص درج اولونمسیله مشكلات عظیمه ظهور ایتمز، یالکز تأثیرات حسنه مشاهده اولونور.] مابعدی وار

مناسرتی اسماعیل مفی

نجائب قرآنیة

سورة مؤمنون : آیت - ۱۲، ۱۳، ۱۴

« ولقد خلقنا الانسان من سلاله من طین . ثم جعلناه نطفة فی قرار مكن . ثم خلقنا النطفة علقة فخلقنا العلقة مضغة فخلقنا المضغة عظاماً فكسونا العظام لحماً ثم انشأناه خلقاً آخر فتبارك الله احسن الخالقین » [جناب منزل الفرقان جلث عظمته آیت متقدمهده انساندن بعض افراد سعدانك حالی بیان ایتدكدن صوكره شمدی انسانك مبدأ خلق

اطلاق اولنور، چونكه قواعد شرعیه اوزرینه بنا قلمش اولدینی كبی بویولده استنباط احكامه طرف شارعدن ماذونیتده ویرلشدر، « قانون » تسمیه اولنمقده جائزدر. فصل كه علمای متأخرین طرفدن كثرله وقوع بولمقده و عرف و عادتده واقع تبدلاته و اقتضای مصالح و امته كوره قابل تبدل اولملری علت باعته كوسترلمكددر.

میزان امام شعرانیده « خذ العفو و أمر بالعرف و اعرض عن الجاهلین » آیت کریمه سی [۱] « یعنی اذالم نوح اليك فی معرفة مقدار شیء فردة الى العرف و اعمل به » دیه تفسیر اولندقدن صوكره « بوايته نظراً عرف جاری توابع شرعدن معدوددر. عرف ایله مراد من قواعد شریعه موافقی ایله برابر بین الناس مقرر اولان شیردر كه بعض علما بوكا قانون تسمیه ایدرلر « بیورلمشدر. كتاب الحدوده مراجعت. بیانات مبسوطه دن مقصد اصلیمز شرع شریف احمدینك حاوی اولدینی احكام اساسیه و فرعیه نك - لدی الايجاب بعض اجتهدیاتك فی الجملة تبدل ایتسی و مذاهب مدونه نك هر هانكیسندن اولورسه اولسون ناسه ارفق و مصالحه اوفق اقوالك اخذ ایدلسی شرطیه - هر عصر و زمانده بوتون احوال امتی، معاملات جاریه مدنیتی محیط اولدینی ایضاح و اثبات ایتكدر. « علم فقه » نامیه مدون بولنان مسائل شرعیه مزدن ازمان اخیرده محدث اولوب معاملاتی يك زیاده توسیع اولونان بعض خصوصات، استثنا ایدلیدی تقدیرده خارج قاله جق، ماده تطبیقی بولونمیه جق برشی كوسترمك قابل دكلدر،

بنابرین تحقق ایدیور كه بزم اساس اوله رق هیچ برملتك قانونندن اخذ و اقتباسه اصلاً احتیاجز اولمادینی كبی احكام شرعیه من اربابی معرفتیه تدقیق و تطبیق ایدیله جك اولسه بوتون احوال و معاملاتز تنظیمده بركونا مشكلاته دوشمیه جكمز وارسته قید اشتباهدر. اك كوچك بر نمونه سی اولان (مجله احكام عدلیه) كونس كبی اثبات و ارائه ایدیور كه احكام حقوقیهده فقهای اسلامی قدر تدقیقات موشكافانهیه هیچ بر قومك علمای حقوقی موفق اولمالمشدر. اوروپانك سنه لرحه سوروكله نوب طوران اختلافاتی مجله جلیله من ایله خل و فصل ایدلسی اوزرینه هر لسانه ترجمه سنه اعتنا قلندینی جمله نك معلومیدر.

احكام جزائیه مزده تدقیق اولونسه نه مرتبه عادلانه و تربیه عمومی و اصلاح احوال بشریه ایچون واسطه یكانه اولدینی تبیین ایدر. غایت

[۱] بو « عفو »، « یسألونك ماذا یفقدون فی العفو » نظم شریفند، كبی « مدار سهولت، آزاده كلمت » اولان شی معنانه در. « اخذ » قبول و رضادن مجازدر. یعنی ناسك تیسرایدن، كلمتیز وجود بولان امانه راضی اول، مشقته مؤدی اوله جق تكلیفده بولونماكه منافرت واقع اولماسون. « عرف » امر مستحسن ایله تفسیر اولنور. یعنی قبول عامیه مظهر اوله جق شیرلی امرایت و جاهلردن امراض ایله، مفهای ناس ایله مجادله ایتمه.

فصل كه آیت اخراده « و اذا خاطبهم الجاهلون قالوا سلاماً » بیورلمشدر. عباد صالحینه جاهلار مخاطبه، كندی حال و صفات لرینه كوره مكالمه ایده جك اولدقلى زمان اونلر سلام متاركه یی التزام ایدرلر، مقابلهده بولونمازلر. « خذ العفو و أمر بالعرف » آیت کریمه سی حسن معاشرت و مدارات عامیه امر اولمقده بونون مكارم اخلاقی جامع اولان آیات قرآنیه دن معدوددر.

اتلری طوتیورلر . جسده کرلش بولنان سکیرلر جسدی ترصین ایتمش وایچلرنده اعصابک اورلش بولندیفی عضلات دخی قباووب اوزایه زرق اک طوغری واک منتظم حرکاتی حصوله کتورمشلر . کیکلر جابجا قیرلش ، آنلرک برطاقم مفصللری وازکه اوراده بری برلرینه کچمش واعصاب واولتار ایله بری برلرینه ربط ایدلشلر . شوعظامی بند وربط ایدن صنع جمیل ، اصحاب عرفانی بحق مستغرق حیرت ایلمشدر .

بدن انسانک اکتسا ایلدیکی لجه احاله نظر دقت اولنسون ، اولم ، زینت بدن اولمق اوزره جسدهک بعض محللرنده اینجه ونازک برجلدایله مستوره بدنه بوقدرلطیف ، بوقدرطائلی رنگلر ویرن شو جلد اولیه ایدی ، بدن غایت ایکنج اوله جق و غایت قورقونج کورینه جک ایدی . بودری ، شفاف اولمق اوزره و یوزه ملیح و آبدار بررنگ و نقش ویرمک ایچون کنیدیسنده اقتضا ایدن هر درلو نارینک وار . مصورلرک حیرته قلوب پک نقصان اوله رق تقلید ایده بیلدکلری بوقدر کوزل برتن رنگی یاپه بیلیمک ایچون بوالوانی کیم تعدیل و مزج ایلدی ؟

اعضانک شو انتظام و تناسبه باقلسون . باجقلره اولقلر ، بری برینه کچمش و سکیرلر واسطه سیله یکدیگرینه بند وربط ایدلش بیوک کیکلردن یاپلش . بونلر ، متساوی و منتظم ایکی نوع ستون که مجموع بنایی یوکلنمک ایچون یوکلمشلر . حجم بنا ، عمودلرک ارتفاعیه متناسب ، جسد ، حیات ایچون ضروری بولنان و بنا علیه مرکز وضع اولنسی واک امین محله بولنسی مقتضی اولان کافه اعضایی حاویدر .

بواثر مکرك اوست طرفدن ایکی قول آصیلی که اوقوللر اللر ایله محدود و آره لرنده برتناسب کامل موجود . قوللر اوموزلره مربوطدر ، برصورتده که بومفصلده آنلرک سربست برحرکتلری وار . آنلر سرعته بویکلوب دونه بیلیمک ایچون دیرسکلر ایله بیلکلرده قیرلشلردر .

اللر ، بری برینه کچمش کوچک کیکلره سکیرلردن اعمال اولنمش برطوقومهدرکه تقرب ایتدکلری اجسامی لمس ایتک ، یاقه لامق ، طوتمق ، فیرلامق ، چکمک ، ایتک ، آبیروب قویارمق . ایچون ملایمت وقوتی حائزدر . اوچلری اظفار ایله مسلح بولنان اصابع ، حرکتلرینک نزاکت وتنوعیه پک نفیس و ظریف صنایع اجرا ایتک ایچون یاپلشلر .

ایاق احتیاجات مختلفه دن ناشی یومشاق اولقله برابر قوی و متین بولنقی ایچون کنیدیسنده اعصابدن ، اوتاردن و بری برینه ربط و بند ایدلش کوچک کیکلردن بشقه برشی کورلر .

بدنک اوست طرفدن بیون یوکلشمشدرکه لزومه کوره ثابت ، اقتضاسنه کوره قابل انشادر . باشنده برابر ثقیلی یوکلنمک لازم اولدیفی ایچون بیون . کویا آنجق برتک کیمک ایش کبی قاس قاتی بر حالده بولنور . باشی اکمک ویا چوپرمک مقتضی اولدیفی ایچون دخی بیون

وایجادینی ، اطوار خلقت وادوار فطرته کی تقلبی اجمالاً بیانه شروع ایدوب بیوریورکه [بزانشانی بالچقدن اولان برخلاصه دن یاراتدق [بزابوالبشر آدم علیه السلامک خلق وایجاد ضمیمه جنس انسانی خلق اجمالی ایله ، بالچقدن سوزلش برخلاصه دن خاق ایلدک] . صوکره آتی [یعنی آدم علیه السلامک ماعدا جنس انسانی] برقرار مکیده لطفه قلدق [مکی ورضین برقرارکه اولان رحمة لطفه دن خلق ایتدک] . صوکره لطفه یی علقه خلق ایلدک [اونطفه بیضایی طونوق بوقانه تحویل ایتدک] متعاقباً علقه یی مضغه خلق ایتدک [اوطونوق قانی غیرمستبین الخلقه برچیکم ائه تحویل ایلدک] متعاقباً مضغه یی کیکلر خلق ایتدک [مضغه یی مختلف کیفیت ودرجه لرده صلابت ویرمک آنک قسم اعظمی حیرتزا هیئت ووضعیترایله متنوع کیکلره تحویل ایلدک] متعاقباً اوکیکلره [زینت بدن اولمق اوزره بقیه مضغه دن شکل و مقدار مناسبه] لم اکسا ایتدک . صوکره آتی دیگر برخلق وایجاد ایله انشا ایلدک [تحولات مذکورده دن صوکره انسانی بشقه برطرز آفرینش ایله وجوده کتوردک . آتی دلفریب بر شکل و منظره ایله وروح وقوا ایله ساحه پیرای هستی ایتدک] . ایمدی احسن الخالقین اولان الله عالی اولدی .

[تقدیر و تصویرجه بتون مصورلرک اک کوزلی اولان جناب باری قدرت و حکمتده متعال و مقدس اولدی . بدائع تصویرینه هیچ بر مصور یتیشه من . اک ناچیز بر ذی روحک چشمی بتون ارباب صنائعک مصنوعاتنه بالوجوه فائقدر . هم صنعت بشر دینیلن شیلر صنع جلیلک بر تقلید ضعیفدن بشقه برشی دکلدک] .

ذات باری انسانی جماد ایکن ذی حیات ، دیلسز ایکن ناطق ، طویماز ایکن سمیع ، کورمنز ایکن بصیر قلمش و باطن و ظاهرینه وحتی اعضا سندن هر بر عضویه ، اجزا سندن هر بر جزئنه اکلاشماز عجائب فطرت ، غرائب حکمت تودیع ایتمش . بونکچون استحالات مذکورده دن صوکره انسانی بشقه برطرز آفرینش ایله انشا ایتدیکنی بیان بیوریور .

قطره آب منی در صدف هرنگار

در سخن گو شود قدرت پرودگار

طیندن نخر اولان شوشکل دلربا امعان نظر ایله تماشا اولنور ایکن صانعک یدقدرته حیران اولماق ممکنمی ؟ اطوار خلقتنه ، ادوار فطرته دائر آیات جلیله استماع ایدیلور ایکن کوکل تهیج ایدوب لساندن همان « قبارک الله احسن الخالقین » تقدیس و تمجیدی فوران ایدیور . مهر صانع مصنوعی اوزرنده تمثل ایتمش . پک محقر بر ماده دن بر اثر نفیس انشاسنه اراده ربانیه سی تعلق ایتدیکی کورونیور .

هرشی اثر صنعی ، هرشی تابع فرمانی بولنان واجب الوجود عزشانه حضرتلرینک حکمت و قدرتیدرکه ماء مهینی اکمل صورتله ترتیب و تشکیل ایلش و برطرز بدیع دلرباده اکسا ایتمش .

شو جسدی کوزدن کچورلم ، اوراده کیکلر کنیدیلرینی قوشادان

گویانه قدر کیک وار ایسه هسی کنديسندن آلمش کبی هر طرفه بویکلور . او ووزلرک اوستنده جزئجه یوکسلمش اولان شو بیون . بتون جسده حکمفرما اولان باشی زحمتسز یوکلور .

باش ، اگر آردا کوچک اولایدی بقیه چرخ ایله اصلا تناسبی اولمازدی . اگر دهها ایری اولایدی یچمسز یاقیشمسز اوله جغسندن بشقه ثقلتی بیونی ازر والسانی برار زیاده آکلمش اولدینی جهته دوشمک مخاطره سته بادی اولوردی . محتوی بولندینی خزیه قیمتمنداری ایجه محافظه ایلمک ایچون هر طرفدن پک صتی و پک سرت کیکلر ایله ترصین ایدلمش اولان شسو باش . بیونک فقره لری ایچنه کچمش و بدنک دیگر بتون اعضاسیله پک سریع مخا بره سی بولمیشدر . باشک ایچنده دماغ واردرکه آنک رطوبتلی یومشاق ماده اسفنجیه سی . بری برینه گرفت بولنان الیاف لینه دن مرکبدر . و محلنده تبیین اولنان صحاب و بدائیک مرکزی ایشته بوراسی در . باش طاسی . ایکی کوز ایکی قولا ق ایله بر آغز بر برون ایچون بر توازن و تناسب صحیح ایله منتظماً دلنمشدر . احتیاساته تخصیص ایدلمش آنلرده بر طاقم اعصاب واردرکه او اعصاب بو مجرالرک قسم اعظمنده چالیشورلر . احتیاس ایچون کنديسنده اعصاب بولنمان برونده ایسه روائی دماغه قدر ایصال ایتک ایچون بر عظم غربالی واردر .

ایکی کوز ، اشیای خارجییه یی میناً و شمالاً اوزاقدن زحمتسزجه کوره بیلیمک و کافه اعضای جسده امن و انضباطی خصوصنده سهولته مثله اولق ایچون . بری برینه مساوی اوله رق باشک ایکی جهته اورتیه طوغری وضع اولنمشدر . وضعیتلرنده کی تناسب صحیح چهره یه حقیقه زیب و فر و یرمیشدر . شو ایکی چشمی رخسار ایچنده تنویر ایدن بیلیم نصل مصباح الهی درکه بقیه کائنات آره سنده آکا مائل هیج برشی یوقدر . بونلر بر نوع آینه درلرکه انسانک قوه عاقله سی موجودات عالی او آینه لر ایچنده کوره بیلیمک ایچون اوراده طبقه شبکیه ایچنده بتون عالمک کافه موجوداتی بیانی واضحاً مرتسم اولورلر .

سزاوار حیرتدرکه کوز بکی سم الحیاط قدر اصغر بر جرم اولدینی حالده بیکلرجه بیک سنه لک ابعادده بولنان اجرام سماوییه یی آن واحده کوره بیلور . حقیقت ، کوز بکی ، خالقنک قدرت و عظمت و حکمته اصحاب عرفانی سجده ایتدیرر بر صنع غرام افزادر . حقیقت ، کوز بکی کوز منرک اورتیه سنده موضوع بر عاطفت الهیه در . حقیقت ، خلاق جهان کمال قدرتی اهل عرفان واذعانه کوسترمک ایچون ماده و هیولانک پایه میه جنی عظیم بر برهانی هر کسک کوزی اورتیه سته قویمیشدر .

ناضیه ، بتون وجهه شان و شرف و یرر ، سیایی احیا ایدر . وسط رویه وضع ایدلمش اولان برون بولنسه ایدی چهره یچمسز و یام یصی اولور ایدی .

دوداقلره باقیکز : انلرک رنک آبدارلری ، طراوتلری ، شکلری ، ترتیلری ، دیگر عضولر ایله اولان تناسب و مطابقتلری ، بتون چهره یه بشقه لطافت ، اوزکه حسن و ملاحظت و یریور .

دهان ، حرکاتک حرکات عیون ایله اولان مخا بره سی حسیه چهره یی احیا ایدر ، شاد ایدر ، مکدر ایدر ، بشوش ایدر ، عبوس ایدر ، اشارات محسوسه سیله بتون احوال قلبیه یی بیان ایدر . دوداقلر غذایی الما یچون آچلدقن بشقه یومشاقنی و حرکاتک تنوعی ملابس سیله ، تشکیل کلام ایدن اصوات و الفاظک تنوعنده خدمت ایدرلر . دوداقلر آچلدقده زینت دهان اولان ایکی صره دیشلر کوریلور . بودیشلر ، ایکی چکه ایچنده ایجو کبی دیزلمش کوچک کیکلر در . چکه لرده آچیلوب قبانق ایچون بریای وار ، بر صورتده که دیشلر اغذیه یی هضمه مستعد قلمق ایچون انلری آسیاب کبی اوکوتورلر . بومنوال اوزره اوکودلمش اولان اغذیه ، مجرای تنفسدن بشقه بر مجرا ایله معده یه کچر وشو ایکی مجرا بری برینه پک مجاور بولندقلری حالده یه بری برلریله اصلا اختلاطلری یوقدر .

دیل ، کوچک عضلاته اعصابدن معمول بر طوقومه در ، و اول قدر یومشاقدرکه عقله صیغماز بیکلرجه بیک حرکت و انحناسیه مار کبی اکیلور بوکولور . پارمق لک و یاخود بر آلت الحان اوستنده بر سازنده مضرابنک یاپدیغنی دیل ده اغزده یاپار ، کاهی دندانیه کاهیجه حنک اورر . سمع دخی بصر کبی بر مقصد مخصوص ایچون صنع اکمل ایله تشکیل اولنمشدر . بصر ، ضیا قانونلری اوزرینه تشکیل ایدلر کبی سمع دخی اهتزاز هوا قانونلری اوزرینه تشکیل اولنمشدر . قولا لک خارجی قسمی هوانک اهتزازاتی طوتمق ایچون کاندجه یاپلمیشدر .

بزبوم بحثک تفصیلاتی « مطالب عالیه » نام اثر عاجزانه مزه حواله ایله ، تفسیری صد دنده بولندیغمز بو آیات کریمه یه متدائر بر روایتک نقلنه کچورر ، مرویدرکه رسول کبریا علیه افضل التحایا افندمز وحی اولنان بو آیاتی سویله یوب کتبه وحیدن عبد الله بن ابی سرح یازیور ایدی ، ذات نبوت پناه لری « خلقاً آخر » قول شریفه کلوب دها مابعدینی تقریر و املا بیورمه دن عبد الله بالمسارعه [فتبارک الله احسن الخالقین] دیمسیه رسول اکرم : [یاز ، آیت بویه نازل اولدی] بیوردی ، بوندن عبد الله قلبه شبه کلوب « محمد [صلی الله علیه و سلم] وحی اولیورسه بکاده وحی اولیور » دیهرک ارتداد ایتدی . و مرتد اوله رق ییقلوب مکیه کتدی ، صوکره یوم فتحده اسلام اولدی . بعضیلری : عبد الله نعوذ بالله ارتداد اوزره ایکن فوت اولدینی روایت ایلمشلر در . ابن عباس رضی الله عنهما حضرتلرندن روایت سعید بن جبیر حضرتلری دیدی که بو آیاتک حین نزولنده حضرت عمر رضی الله عنه [فتبارک الله احسن الخالقین] دیمسی اوزرینه طرف رسالتا بدن [بویه نازل اولدی یا عمر] بیورلدی . حضرت عمر بو توافق ایله افتخار ایدرایدی . حاله نکه عبرت ایتلی : باق شووقمه حضرت عمر رضی الله عنه ک سعادته و عبد الله بن ابی سرحک شقاوته نصل سبب اولدی . « یضل به کثیراً و یهدی به کثیراً » .

[شو روایتلره کوره بشرک قبل النزول نظم قرآنه مائل کلام ایله تکلم ایلدکاری اکلاشیله یور ، بوا یسه قرآن کریمک اعجازیه نقیصه

ایراث ایدر [دنیل مسون، چونکه قدرت بشردن خارج اولان بومقدار دکل، اقصر سوره مقداری اولاندر .

تکمله

«ثم انشأناه خلقاً آخر» قول کریمده «ثم» حرفی ایکی خلق وایجاد ارمسندده کمال تفاوتی اشعار ایچوندر . ابوحنیفه رحمه الله حضرتلری بوقول کریم ایلده شوکا احتجاج ایتمشدرکه برکیمسه بریمورطه غصبایدوبده اویمورطه غاصبک یاننده ایکن یاوریلایسه غاصبه ییمورطه نك ضمانی لازم کلیر، یاورونک ضمانی لازم گلار، چونکه یاوروی خلق آخردر . امام مشارالیهک بوکبی نه قدر عمیق استنباطلری وارددر . بوکبی استنباطلریله احکام شرعییه بی توسیع ایدرک حقیقه امت مرحومه حقنده بر رحمت واسعه اولمشدر . «امام اعظم» شهرت شایه سنه بالوجوه لائق بر امام همامدر، رحمه الله رحمة واسعة .

برکت زاده : اسماعیل مقلی

احکام الحرب والصلح في الاسلام

— بکن نسخه دین مایم —

جمله سنی «قل یا اهل الکتاب تعالوا الی کلمة سوآء بیننا و بینکم ان لایعبد الا الله ولا تشرك به شیئاً ولا یخذه بعضنا بعضاً رباباً من دون الله فان تولوا فقولوا اشهدوا بانا مسلمون» آیات کریمه سیله بالجملة ملل واقوامی کلمة توحیده دعوت ایلمش و ذاتاً بریدرومادردن متولد اولدقلرینی تذکیر ایلده ارملرنده کی شقاق و نفاق ازاله و اخوتک ایجاب ایتدیردیکی حسیات شفقت و محبت و موانستی تحریک ایدرک ارملرنده بر صلح ابدی تاسیس مقصدیله «انما المؤمنون اخوة» آیت کریمه سیله ده بالعموم مؤمنلر قرنداش اولدقلرینی بیان و بوضورتله ارملرنده اخوت و مساواتی امر و فرمان بیورمشدر .

اخوت ایسه هر درلو حقوق و منافعه اشتراک و مساواتی جامع و یکدیگره حق تفوق و رجحانی مانع اولمق حسیله استقلال بالمنفعة و فکر تفوق و تغلب ایلده وقوع بولان هر درلو خصومت و منازعه بی دفع و مبانیت لسانیه و مغایرت دینی و عصیت قومیه دن طولای متولد اولان هر کونه عداوت و منافرتی رفع ایلده اسلامی یکدل و یکوجود ایلمشدر . و بو حکمت مقدسه دینییه مبنیدرکه بوکون کره ارضک بر نقطه سنده بولنان بر مسلمان لسانی مملکتی قومیتی جنسیتی نه اولورسه اولسون کره ارضک سائر جهات و اقطارنده بولنان عامه مسلمینی کنیدیسنه قرنداش بیلور . و بر قرنداش قرنداش نه مرتبه محبت و معاونت ایتمی ممکن ایسه او صورتله محبت و معاونت ایلمی اوزرنده فرض بیلور . زیرا علیه الصلوة والسلام افندمز «لایم ایمان المرء حتی یتقی لایخیه المؤمن مایتمنی لنفسه» حدیث شریفیه بر انسان کنیدی نفسه دیله دیکی خیر و منفعتی مؤمن اولان قرنداشنه دیله مدکجه ایمانی تمام اولمز، دیو بیورمشدر .

قالدی که بین الافراد وقوع بولان مجادلات یکدیگرینک حقوقه

تجاوز و یا عرض و مال و جانیه تسلط کی حرکات جاهلیه و مفسد اخلاقیه دن ناشی بولنسیله «بعث لایم مکارم الاخلاق» حدیث شریفیه علیه الصلوة والسلام افندمز هر بر فردک حقوق مشروعه و متقابله سنی حق و حلال صفتیه امر و تعین و غیرک حقوقه تجاوزی ممنوع و حرام صورتیه نه و تبیین بیورمش و بوجهله افرادک امنیت عرض، مال و جانیه هر کونه تعرضدن مصون اولمق اوزره محافظه و تأمین ایلده آکا وقوع بوله حق تجاوزک منعی مقام خلافت تودیع بیورمشدر .

اسلامک یکدیگرلرینه مساواتلرینی بیان صدنده علیه الصلوة والسلام افندمز «المسلمون کاسنان المشط تتکافؤ دماهم و اموالهم و اعراضهم و هم ید علی من سواهم» بیورمشدرکه معنای منیفی مسلمانلر طراق دیشلرینه بکزرلرکه جمله سی بر شکل و هیئت و بر جهم و صفته اولدقلری کی هیئت مجموعله لریله علینده استعمال اولدقلری محله برالدرلر .

افراد مسلمینک یکدیگرلرینه اولان ارتباطلرینی دخی بیان ایچون (المسلمون کالجسد اذا اشتکی منه عضو تداعی له العضو الاخر) بیورمشدرکه مال منیفی مسلمانلر بر جسم واحده بکزرلرکه بر عضوی آغزیسه دیگر اعضاسی دخی رنجیاب تالم اولور دیمکدر . ایشته تنصیلات معروضه دن مستبان اولدینی وجهله اساسا دیانت اسلامیه عموم افراد بشر میاننده «صلح ابدی» تاسیس بیورمق اوزره ظهور ایتمش و کرمک عادات و عبادات و کرمک معاملات و اعتقاداته دائر اولان کافه احکامی نظام عالم و حیات امی محافظه مقصد مهمنه مبتنی بولنمشدر .

حربك بدایت اسلامده اسباب و مشروعیتی

مقدمه ده بسط و بیان قلندینی وجهله دیانت مظهه اسلامیه بین الامم واقع اولان مجادلات و اختلافاتی منع اساسی اوزرینه مؤسس اولدینی حالده حربیه جواز و یرمسی آتیده تفصیل قلنه جنی وجهله منحصرأ مهاجمات اعدایی مدافعهیه مقصور و اسباب مجبره و تحفظیهیه محصور بولندینی بوبابده نازل اولان آیات قرآنییه و احکام فرقانییه ایلده ثابتدر .

زیرا بدایه دین مبینه دعوت رفق و ملایمت و وعظ و نصیحت صورتیه و وقوع بولمش و سفک دمانک منعه چالشیلمش اولدینی (وادع الی سبیل ربک بالحکمة و الموعظة الحسنة) آیت کریمه سیله مثبت بولنمشدر . اشبو آیت شریفه نك معنای منیفی: ای پیغمبر دیشانم سن طریق حقه یعنی دین مبین اسلامه حکمت و کوزل و وعظ و نصیحتله عالمی دعوت ایلده دیمکدر . ایشته شو امر جلیل الهیدن مستفاد اولدینی وجهله اسلامه دعوت اسلوب حکمت و ملایمانه و وعظ نصیحتله وقوع بولمش و فقط محضاً سعادت و سلامت دارینه نائلیت ضمنتده واقع اولان دعوت دینییه کفار قریش سؤتلقی ایدرک علیه الصلوة والسلام افندمز عداوت و کنیدیسیله اصحاب کرامنی بولندقلری خانه ده حصر و تضییق و کنیدیلریله کسه قونشماق و کورشمایک و حتی چارشو